

8. Denique ut nonnihil lucis a nostris etiam veteribus Jurisprudenter studiis asciscam: Quemadmodum delegatus iudex nihil habet potestatis, nisi quatenus & quantum a delegante suo ordinario iudice fuerit collatum, iuxta l. 1. §. fin. ff. de offic. ejus cui mand. est iurisdic. &c. de causis, &c. in litteris, de offic. iud. delegat. sic etiam libertas humana omnis supernaturalis boni profusus est incapax, nisi quatenus divini Spiritus pravia motione collatum ei fuerit. Præterea quemadmodum singuli homines domini afferuntur ejus rei, quam in communi possident, l. in re communi, ff. de servitut. urb. præd. & l. Sabinus, ff. communi divid. & l. servi electioni, ff. de legat. 1. Similiter sanctæ hominum operationes committere ascribuntur Divinæ gratiæ tum præveniendi, tum adjuvanti, simulque libero arbitrio, atque ab utrisque producuntur; hoc tamen discrimine, quia liberum hominis arbitrium penitus sterile, atque incapax est tam nobilis productionis, nisi prius Divina gratia motum & excitatum.

9. Opere vero pretium haud exiguum faciam, profereudo præfationem decem capitum, quæ primæ Cælestini Pontificis ad Galliæ Episcopos epistolæ in collectione Dionysii Exigui subjiciuntur, sub hac inscriptione: Præteritorum Sedis Apostolicæ Episcoporum auctoritates de gratia Dei & libero voluntatis arbitrio.

Quia nonnulli, qui Catholico nomine gloriantur, in damnatis hereticorum sensibus, seu pravitate, seu imperitia demerentes piissimis disputatoribus obviare præsumunt, & cum Pelagium atque Cælestium anathematizare non dubitent, magistris tamen nostris quasi necessarium modum excesserint, obloquuntur, eaque tantummodo sequi & probare præsentent, quæ sacratissima beati Apostoli sedes Petri contra inimicos gratiæ DEI per ministerium Præsum suorum sanxit & docuit. Necessarium igitur fuit diligenter inquirere, quid rectores Romana Ecclesiæ de heresi, quæ eorum temporibus exorta fuerat, judicaverint, & contra nocentissimos liberi arbitrii defensores, quid de Gratia Dei sentiendum esse censuerint; ita ut etiam Africanorum Conciliorum quasdam sententias jungeremus, quas utique suas fecerunt Apostolici Antistes, cum probarent. Ut ergo plenius, qui in aliquo dubitant, instruantur, constitutiones sanctorum Patrum compendio manifestemus indiculo. Quod si quis non minimum est contentiosus, agnoscat omnium disputationum connexionem ex hac subditarum auctoritatum brevitate pendere, nullamque sibi contradictionis superesse rationem, si cum Catholicis credat & dicat.

Hoc loco collocanda fuissent integra decem auctoritatum capita, sed ne ultra præscriptum modum opus istud excreceret, summas ac titulos sententiarum hic apponere satis erit.

- I. Quod Adam omnes homines læserit, nec quemquam nisi gratia posse salvari.
- II. Quod nemo sit bonus suis viribus, nisi participatione ejus qui solus est bonus.
- III. Quod nisi gratia Dei continua juvemur, insidias diaboli superare non possumus.
- IV. Quod per Christum libero bene utamur arbitrio.
- V. Quod omnia Sanctorum merita dona sint Dei.
- VI. Quod omnis sancta cogitatio, & motus pie voluntatis, ex Deo sit.
- VII. Quod gratia Dei non solum peccata dimittat, sed etiam adjuvet, ne committantur, & præstet ut lex impleatur, non sicut ait Pelagius facile, quasi sine gratia Dei difficiliter possit impleri.
- VIII. Quod præter statuta sedis Apostolicæ omnes orationes Ecclesiæ Christi gratiam resonant, qua genus humanum ab æterna damnatione reparatur.
- IX. Quod gratiam Dei etiam baptizandorum testatur instituta purgatio, cum exorcismis & exsufflatione spiritus ab eis abiguntur immundi.
- X. Quod profundiores quaestiones nec contemnendæ sint, nec penitus adferendæ.

HÆRESIS PELAGIANÆ atque Semipelagianæ historica & Theologica delineatio.

Pelagius natione Scotus, professione monachus, doctrina hæreticus, gratiæ Christi adversarius, omnium operum merita soli humanæ naturalique libertati accepta ferens, omnemque originis peccatum profusus abnegans; accito sibi Cælestio discipulo, magnam pervagatus est Orbis terræ partem, ut hereses suas passim disseminaret: initia cum Rufino Presbytero & Joanne Hierosolymitano Episcopo ambobus Origenistis sanctique Doctoris Hieronymi amulis adversariisque societate, se Mo-

naisterio quodam Hierosolymitano incluserit, ut quoscunque posset, tum monachos, tum seculares, suorum dogmatum contagio perverteret. Hujus lapsus & apostasiam S. Joannes Chrysostomus Arabissi, quod est Armenia oppidum, quo fuerat injuste relegatus, morti jam proximus flebiliter lamentatur epist. 4. ad Olimpiadem Diaconissam, *σπίδρα ἡλγιστά ὑπὲρ Παλαγίου τῷ μοναχῷ. ἐπέστην τοῖσιν ἄλλοις ἐπαύσαι εἶναι γενναίως πάντες, ὅταν ἄλλοις ἐν ποσῶν ἀσκήσει διαμαρτυροῦντες καὶ καρτερία ἴτω ἡρώων ὑποσπύριμνοι.* De Pelagio monacho gravi dolore affectus sum. Cogita igitur quantis coronis digni sint, qui forti animo in acie steterunt, cum viros pie sancteque tanta cum tolerantia viventes abripi, atque in fraudem trahi videremus.

Cælestius vero Africam iisdem erroribus insicere conatus est. Hic primus ann. 412. Carthaginensi Concilio damnatus est accusante Paulino Carthaginensi Diacono. Paulo post Eros Arclatenis & Lazarus Aquensis Episcopi Gallicani Pelagium hæresis criminati sunt apud Synodum Diopolitanam quatuordecim Palæstinæ Episcoporum, in qua Pelagius Patres elusit prava sua dogmata mendaciter dissimulando. Id factum ann. 415. deinde seq. ann. 416. Provincialis duo in Africa celebrata sunt Concilia. Unum quidem Carthagine, cui præsedit Aurelius univérse Africæ Primas, Alterum Milevi in Numidia Præside Sylvano, cui Augustinus interfuit. Ex Carthaginensi Synodica ad Innocentium Papam transmissa sunt, errores arguentes Cælestii & Pelagii. Ad has anno insequente 417. respondit Innocentius, qui ambos hæresarchas Ecclesiæ communionem summovit. Cælestius Romam expurgandi sui causa commigravit ad Zosimum, qui nuper vita sancto Innocentio iustectus fuerat, eumque facta professione decepit. Eodemque tempore Pelagius transmissis ex Palæstina subdolis litteris, simulque Praylus alteris, a quo, vita sancto Joanne, Hierosolymitana regebatur Ecclesiæ: qui simul omnes Zosimum Papam ita perculerunt, ut acriter adversus Africanos Patres necnon Lazarum, & Eros tem succenserit. Sed perspecta demum veritate per Africanorum industriam, ipsoque sibi sceleris conscio Cælestio clam Roma delapso, tum hic ipse, tum Pelagius damnationis sententia ab Apostolica Sede feriuntur anno 418. Mox Honorius Imperator pridie Calendas Majas ambos hæresarchas eorumque affectas suo proscripuit edicto, eoque mensē & anno accepto ab Zosimo responso plenaria Africa Synodus indicta ducentorum tredecim Antistitum, ut testatur Prosper, canonicus octo Pelagianam hæresim damnavit: quos vulgo tribuunt Milevitanum Concilio, est Milevitanum istud nihil contra hæc hæreses procederit. Et paullo post Cælestius Pontifex canones istos sub Carthaginensis Concilii nomine in sua citavit epist. ad Episcopos Gallicæ can. 7. Qui etiam attribuuntur Concilio Milevitano, non priori, sed secundo. Alii attribuuntur Concilio plenario Carthaginensi anni quadringentesimi decimi octavi sub Zosimo. Errore compilatorum factum est, ut duo Milevitanæ Concilia in unum confusa fuerint, ut sagaciter advertit Baronius: in quorum primo nullum editum decretum fuit circa hæresim Pelagianam, quæ nec dum plene tunc innotuerat. Duo vero præfidente univérse Ecclesiæ Innocentio habita sunt Milevi in Africa Concilia, quæ est Numidiæ civitas. Primum sane sub Primatu Xanthippi Arcadio & Honorio quintum Consulib. ann. Domini 402. qui fuit Innocentii Papæ primus. Alterum sub Sylvano Numidiæ Primato, Theodosio septimum & Palladio Consulibus, anno Domini 416. Pontifice pariter Innocentio anno sedis ejus 15. in quo Pelagiana hæresis damnata est. Præfatio secunda Milevitanæ Synodo præfixa adhuc minime pertinet, sed hæc ex priore Milevitanæ translata fuit, ut Baronius observavit.

Ursorius Monachus & Presbyter Gallicanus Nestorianæ heresi præfulerat, duplicem attribuendo personam Christo, divinam & increatam, alteram cum ejus humanitate creatam: secundum quam solum illum predicabat Virginis Mariæ Filium. Alteram quoque sectabatur Pelagii hæresim, nihil divinæ gratiæ, sed hominis duntaxat libertati ad salutem omnia referens accepta, ut de ipso tradunt Cassianus lib. 1. de Incarnatione cap. 5. Facundus Hermianensis Episcopus lib. 1. de tribus capitulis & Gennadius, Damnatus & exclusus ab Ecclesiis Gallicanis, in Africam trajecit, ubi ab Augustino Hipponensi ad fidem ex utroque errore conversus supplicem libellum emendationis suæ ad Gallicanas Ecclesias transmissit cum litteris Aurelii Augustini, aliorumque Africanorum Patrum ad Proculum Massiliensem alioque Gallicæ Præsules.

Concilium Carthaginense sub Innocentio Papa, in quo primum Cælestius urgente Paulino Diacono convictus est Pelagianæ heresi, paucis exceptis, quæ sanctus refert Augustinus, intercedit. Ejus loco neoterici quidam sibi

sibi gratulantur eruisse se ex veteri quodam Palatino volumine nescio quod obscurissimi scriptoris Marii Mercatoris commonitorium, compendiosam tradens hæresis Pelagianæ historiam quasi auri thesaurum, sed vere (ut est in proverbio) thesaurum carbonarium ex scheudis erutum viri clarif. Luca Holstenii, cujus narrationibus multa veterum illius sæculi testimonia multo majoris auctoritatis contradicunt, quæ paullo post referentur. In primis admonitor iste scribit, Pelagium ante vastationem urbis Romæ commentarios in Apostolum Paulum edidisse. Edidit quidem, sed haud ita proptere. Si enim jam edidisset, non omisisset Eros & Lazarus ea ipsa loca, quorum meminit Mercator, eidem obijcere, quæ profert adversus ipsum eruta ex ejus commentariis in epistolam ad Romanos, ex quibus Pelagiana industria non ita se facile potuisset expedire. Eaque quemadmodum & reliqua objecta in Palæstina Synodo recensuisset Augustinus in suo de gestis Pelagii opere.

Affirmat communiter Cælestium Carthaginensi Concilio convictum atque damnatum provocasse ad Innocentium Papam, cum vero ex ejus officio esset suam prosequi appellationem, in Asiam navigasse Ephesumque contendifse, sacerdotique ambivise dignitatem, quæ tamen frustratus est. Et post aliquot annos Constantinopolim petiisse, ibique ab Attico Patriarcha ejus heresim detectam fuisse, de qua ad multas Ecclesiæ litteras querelaram plenas ad Patres Carthaginenses transmissit. Isti vero ad Zosimum rescribentes Cælestii fraudes referarunt, quibus permotus Pontifex accedente occulta suspectaque Cælestii evasione, hæreticum tandem damnavit. Impetravitque ab Imperatoribus Theodosio & Honorio rescriptum damnationis & proscriptionis contra Pelagium & Cælestium, & quoscunque horum affectas. At feri non potuit, ut cum Carthaginense Concilium, ex quo appellaverat Cælestius, conclusum fuerit sub finem Pontificatus Innocentii, cui brevi suffectus Zosimus est tenuitque Apostolicam Sedem anno uno & septem mensibus, ut omnibus comperitum est, intra id breve tempus Cælestius in Asiam commigravit, Ephesi resedit, indeque POST ALIQUOT ANNOS, ut refert Commonitor, Constantinopolim adierit, ejuque ab Attico Patriarcha detecta heresi fuerit, moxque Cælestius Romam profectus fuerit, Zosimum redintegrata lite deceperit fraudulentis artibus. Ipse vero Papa ad Africanos reprehensionis litteras scripsit. Isti vero ad Zosimum rescripserunt, quorum receptis litteris malam Cælestii fidem referat, eumque condemnandum esse duxerit. Insuper edictum a duobus Augustis procul invicem distantibus impetraverit. Hæc omnia locis admodum remotis ultra citroque gesta, superadditis insuper MULTIS ANNIS, intra unius anni & septem mensium interitium nullatenus fieri potuerit; ac proinde falsa ementitaque sunt ab isto Mario mercatore, qui res temporis supra modum coarctavit.

Idem commonitor simul fallit & fallitur, dum Julianum Capuanum tot tantisque libris hæreticis memorabilem & perpetuum Augustini adversarium in sancta fide & communionem sancti Innocentii Papæ ad ejus usque obitum perstitisse asserere audeat, ab eoque Pelagium & Cælestium fuisse damnatos scribit, deinde vero edicto Imperiali de sua depositum sede extra Italiam exulasse ambigua religionis virum & studentem, Episcopatum, quo fuerat dejectus, resumere. Id vero plane falsum convincitur ex assiduis, quas cum sancto Augustino habuit, concertationibus. Beda etiam lib. 1. in Cantica scribit: *Julianum parvulum a Pelagio nutritum quasi regulum in caverna reguli.* Si replices Julianum interea dissimulasse, contrarium liquido constat ex tam multis pestilentibus libris, quibus hæresim propugnat, fidemque orthodoxam aperitissime oppugnat. Insuper hoc prodit Prosper in Chronico ad Consulatum Theodosii & Festi; *Hæc tempestate Julianus Eclanensis* (hunc sibi titulum amisso Episcopatu per ambitum vindicabat) *jactantissimus Pelagianæ erroris assertor, quem dudum amissi Episcopatus intemperans cupidus exagitabat, multimoda arte fallendi & correctionis speciem præferens, molitus est in communionem Ecclesiæ irrepere.* Quin etiam paullo ante productus testis Beda scribens in Cantica meminit libri a Juliano editi de amore his verbis: *Est enim homo ut rhetor peritissimus, ita gratiæ Dei post Pelagium impugnator acerrimus, ut apertius scripta ejus, quibus contra strenuissimum gratiæ defensorum Augustinum insanivit, ostendunt: cujus causa duelli primum de Amore libellum composuit.* Et post pauca *Cassianus, Notitia Ecclesiastica.*

dicit: *Sanctum nobis ac generosum Amorem ab ipso lucis exordia natura nobis conciliante instrum, & ad ultimam usque senectutem solis viribus animi innoxium sine damno sui persistere vigoris.*

Certissimum demique suppeditat de Juliani pertinacia testimonium Photius Bibliothecæ suæ c. 34. ubi cum dixisset, Pelagianos Synodo Ephesina præside Cyrillo Alexandrino Antistite condemnatos fuisse, adjunxit Pelagium, Cælestium & Julianum Pelagianum simul damnationis sententia ictos denuo per apologiam, quam Joannes Talida (qui fuit post Cyrillum quintus Alexandrinus Præsul) scripsit ad Gelasium Romanum Episcopum, *ἀπαθρησκίζε δὲ καὶ Ἰωάννης ὁ Ἀλεξανδρείας ἐν τῇ πρὸς Πάπαν Ρώμης ἀπολογία ἡ μόνον τῆν Πελαγιανὴν ἀρεσὴν, ἀλλὰ καὶ Πελαγίον καὶ Κελεσίον καὶ Ἰουλιανόν, ἐς οὗτων ἐπινοῶν διδασκαλίαν.* Joannes quoque anathemate damnat Alexandriæ Præsul in ea, quam ad Gelasium misit Rome Pontificem Pelagianam heresim, simulque Pelagium, Cælestium & notissimum utriusque successorem Julianum. Id profecto innuit, Julianum in illa secta ad extremam ætatem consensuisse. His demum prospectis quifiam demum ausit isti supposititiæ Marii relationi fidem habere?

Pelagianorum reliquæ Orbe reliquo fugatæ; in Scotiam naturale Pelagii solum confugerunt; ad quas debellanda Scoti præsidium a Gallis quaesivere, qui eam in rem convocato Gallicano Concilio duos sanctitate doctrinaque insignes Episcopos Germanum Antiodorensis & Lupum Tricassinum in Scotiam delegarunt. Historiam istam Venerabilis Beda lib. 1. hist. Angl. c. 27. hisce verbis perhibet: *Ante paucas sane adventus eorum annos heresi Pelagiana per Agricolum illata Severiani Episcopi Pelagiani filium fidem Britannorum fuda peste commaculaverat. Verum Britanni cum neque suscipere dogma perversum gratiæ Christi blasphemando ullatenus vellent, neque versutiam nefaria persuasionis restutare verbis certando sufficerent, invenimus salubre consilium, ut a Gallicanis Antistitibus auxilium belli spiritualis inquirant. Quam ob causam coacta magna Synodo quaerebantur in commune, qui illuc ad succurrendum fidei immitti debeant: atque omnium iudicio eligebantur Apostolici Sacerdotes Germanus Antiodorensis & Lupus Tricassina civitatis Episcopi. Quandiu Germanus & Lupus in Britannia Insula versati sunt, Pelagiani vidit se continerunt; sed postquam amorum discessu Pelagiani audaciores facti sunt, eaque de causa rogatus Germanus secundam in Britanniam professionem instituit, assumpto secum Severo Lupi discipulo Tricassinorum Episcopo, ut refert Constantius Presbyter lib. 2. cap. 1. 2. 3. 4. de vita Germani.*

Post tria & amplius sæcula imperante Lothario Valentia in Gallia convocatum est Concilium, in quo præsidibus Remigio Lugdunensi, Rotlando Arclatenfi Egilmaro Viennensi Archiepiscopis a trium Provinciarum Episcopis canones editi sunt de præscientia Dei, de prædestinatione, de quaestione: An Christus pro omnibus mortuus sit, de vera omnium, qui baptizantur, redemptione, & de gratia & libero arbitrio, ann. 855.

Suprema providentia duos suscitavit strenuos admodum sacri belli duces, a quibus profugata est heresi Pelagiana, dum in Ecclesiæ perniciem infurgebat. Primus eam scriptis impugnavit Hieronymus in Palæstina suis ad Ctesiphontem litteris, deinde tribus dialogis, in quibus se nomine Attici, Pelagium vero nomine Critobuli designat, necdum enim hæresarchæ aperta vi bellum indixerant, sed per fraudes & quasi per cuniculorum Ecclesiæ suffodiebant, adeo ut Palæstinæ Synodum Diopsoli habitam circumvenerint, quæ illos in communionem susceperat. Augustinus pariter se fame & nomini Pelagii initio pepercisse profestetur, quia specie sanctimoniam hujus hypocritæ Monachi magna dudum exultimatio percrebuerat. Satis igitur uterque sanctissimus Doctor esse ducebat, si errores subnascentes refelleret; tum negatæ peccati originalis propagationis, tum necessitatis rejectæ divinæ gratiæ, ut sola creature libertas quasi sufficiens stabiliretur, quæ duo palmaria erant hæresis istius capita.

In primis dogma de peccato Adami, ad ejus posteros transmissio, Pelagius ad deliria Manichæorum referebat Deum malum effingentium malarum creaturarum opificem, indignum divina bonitate ducebat, si proles innocens parentum delicto longe a se alieno gravaretur, ejuque peccatum sustineret. Mortem porro & ægritudines & corporis in vita dolores nullatenus peccatis, sed causis mere naturalibus Pelagius ascribebat. Quæstio ista, quænam sit causa efficiens peccati originalis, permultum involuta & perplexa valde Augustinum vexavit ista cogitantem: Per quam causam istud Adami peccatum personale ad parvulos transit? Per voluntatem? At nulla in his fuit: per formam corporis? Sed hæc Deus ipse tribuit: per ingressum animæ? Sed nova conditur a Deo, nihilque debet femini